

Suada Mulić-Bačić¹
Humera Porobić-Jahić²

¹Odjeljenje za reumatologiju
Klinika za interne bolesti
Univerzitetski klinički centar Tuzla ♦ Bosna i Hercegovina
²Odjeljenje za infekcije CNS-a
Klinika za zarazne bolesti
Univerzitetski klinički centar Tuzla ♦ Bosna i Hercegovina

Virusni artritis - prikaz bolesnika

Viral arthritis - a case report

Artritis je upala jednog ili više zglobova, praćena bolom, otokom, crvenilom i gubitkom pokreta. Uzročnici artritisa su brojni, a među njima se nalaze i virusi. Virusi izazivaju artritis infekcijom sinovijalnog tkiva u toku sistemske infekcije, ili pak izazivaju imunološku reakciju koja zahvata zglobove.

U radu prezentiramo slučaj artritisa uzrokovanog hepatitisom B. Radi se o bolesnici životne dobi 40 godina, koja se javila u bolnicu zbog bolova i otoka ručnih zglobova, bolova u sitnim zglobovima šaka, koljena i skočnih zglobova, jutarnje ukočenosti, slabosti, malaksalosti i osipa. Tegobe

su se javile 1 mjesec ranije. U sklopu dijagnostičke obrade u laboratorijskim nalazima su nađene povišene vrijednosti transaminaza, te su nakon toga urađeni markeri na hepatitis B i C. Markeri na hepatitis B su bili pozitivni. Konsultovan je infektolog, koji je indicirao premještanje bolesnice u drugu kliniku radi liječenja osnovne bolesti.

Brojni su uzročnici koji mogu dovesti do pojave artritisa, te u sklopu dijagnostičke obrade treba o njima razmišljati, posebno u slučaju negativnih nalaza na reumatska oboljenja, kao što su RF, ANA, anti-CCP.

Ključne riječi: reumatoidni artritis, virusni artritis.